

իբրեւ սեպիական ի բնմէ¹, առանձին առոշոզի նոցա էր կարգեալ: 6 Եւ յայն գաւառ զխաւոր գաւառք այս էին. Այրարատ, Դարանաղէ, Եկեղեաց, Տարան, Բզնունիք, Ծոփք, Եւ որ ընդ մէջ² նոցա Եւ որ շուրջ զնոքաւք: 7 Եկն Եջ Եւ Յայրն մարդպետ զիւրով իշխանութեամբն շրջել. ապա եկն Եւ սուրբ կաթողիկոսն Ներսէս յառաջին տեղին, ուր նախ էր զեկեղեցին³ շինեալ ի Գրիգորէ, Եւ զվկայարանսն սրբոցն զվկայիցն. Եւ անդ զիշատակս սրբոցն կատարէր: 8 Ապա դէպ եղև անցանել Յայր մարդպետին առ տեղաւքն⁴, ցանկացաւ ելանել ի սուրբ տեղիսն Աշտիշատու կալյաղաւթս, Եւ առնուլ ողջոյն ի սրբոյ եպիսկոպոսապետէն Ներսէս: 9 Ապա իբրեւ կային յաղաւթս, Ետուն ողջոյն. հրաման տայր սուրբ հայրապետն Ներսէս, եկելոցն ճաշ պատրաստել: 10 Եւ մինչ դեռ նոքա պատրաստէին ինչ ըստ նմա արժանի աւագաւրէն սպաս, նա ելանէր յեպիսկոպոսական կայենէն յապարանիցն մինչեւ ի վկայարանս սրբոցն. ի մեծ Եւ ի գեղեցիկ հրապարակին գերթելէկս առեալ շրջէր՝ զճեմն առեալ: 11 Ապա տեսանէր զգեղեցկութիւն վայրացն, զնիստ շքեղութեան ի բարձրաւանդակ տեղեացն Եւ զնայեացն ի խոնարհ, զի կարի վայելուչ էր տեղին. Եւ չարակնեաց:

12 Ապա եմուտ բազմեցաւ յուտել Եւ ըմպել: 13 Իսկ յորժամ արբեցաւ սխաղակեցաւ, սկսաւ ներքինին խաւսել բանս հպարտս Եւ ամբարտաւանս յարբելեաց. դներ թշնամանս Տրդատայ արքայի, ի մեռեալս Եւ կենդանեացն ի կեանս, ազգի Եւ տակի Եւ տոհմի Արշակունեաց թագաւորացն Յայրոց: 14 Չիա՞րդ, ասէ, զայսպիսի տեղիս կանանցահանդերձ մարդկան տուեալ է, Եւ ոչ արանց: 15 Եւ զսուրբ տեղեաւքն քամահեալ արհամարիէր, Եւ ասէր՝ Եթէ զայս տեղիս ի բաց քակեմք, զի աստ պարտ է շինել զապարանս արքունի: 16 Եւ թէ ես Յայր մարդպետ կենդանի իցեմ Եւ առ թագաւորան հասից, ասէ, որ ինչ աստ իցէ, զայն ի բաց փոխեցից. Եւ որ աստ իցեն, զնոսա հանից, Եւ զտեղիս՝ արքունի սենեակ կազմեցից:

17 Իսկ սուրբ եպիսկոպոսապետն յորժամ լսէր, Եւ ասէ՝ Եթէ Տէր մեր Յիսուս Քրիստոս, որ ընտրեաց նախ զայս տեղի՝ դնել զանուն իւր աստ, որոյ առնուն առ հասարակ ընդ ամենայն տեղիս փառաւորեալ է Յարբն Եւ Սուրբ Յոզովն հանդերձ, որ պատուիրեաց մի՛ ամենեւին յայոյ ինչ ակն դնել կամ ցանգալ. իսկ որք ժլատեալք ի նորա նուէրսն բերեն աչս, Եւ այնմ ցանկան, վասն այսորիկ նա մի՛ հասցէ առ այն՝ որով սպառնացաւն, այլ խափան լիցի իւր յառաջել⁵ նմա բազում մակարդ մեղացն իւրոց գործելոց: 18 Ապա զնայր

1 Օրինակ մի՛ ի բնէ

2 Օրինակ մի՛ զմէջ նոցա

3 Օրինակ մի՛ ուր նախ է զեկեղեցին

4 Օրինակ մի՛ առ տեղեօքն

5 Օրինակ մի՛ յառաջ. Եւ նմա